



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословакии:

2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знизжка.

Контото чекове Нр. 404.155.

Новый воёвода львовский.

В минувшом тыждні заименовали центральны власти новым воёводом во Львові Альфреда Билика. Альфред Билик уродил ся во Львові, гимназію кончил в Бережанах, университет во Львові.

От року 1908 бере чинну участь в акции, маючой на цілі независимость Польши. В часі світової войны, боює в легионах при боку маршала бл. п. Осифа Пилсудского и маршала Едварда Смиглого-Рыдза.

В р. 1918 осідат в Лодзи, єст там комендантом міста, доходит до рангы майора, а в р. 1921 переходит до резервы и открыват адвокатку канцелярию, котру провадит до літа 1936 р.

В липні 1936 р. именуют его центральны власти воёводом станиславовским, а тепер львовским.

—o—

С войны в Испании.

В послідном тыждні ишли знова завязаты бои на мадритском фронті. Инициатива тых боев находит ся в рудах повстанцов, котры, як доносят газеты, завладіли университетским кварталом міста.

Однак всё тото не має рішаючого значеня на результат домашной войны в Испании, бо уж раз перед пару тыжднями повстанцы были в Мадрыті, а помимо того война не кончит ся и ніт знатя, коли ся она закончит.

Войну тоту, хоц невелику, слідят с особенным заинтересованем всі державы світа. Слідят за нџом прото, бо хотят ся переконати, якы роды оружия сут найопаснійши и якы средства обороны сут найневиійши.

Для тых держав Испания являт ся тым, чим для лікарей єст експериментальный кролик, на котром пробує ся дїйствие ріжных лікарств. Державы тоты выслали на испанскы фронты своих военных корреспондентов, котры слідят за дїйствием поодынокых родов оружия и выдают суд о их пригодности на случай войны. Читаючи их спостережения, приходит ся до пересвідченя, же помимо найрозмаитших техничных военных вынаходов, будуча война не може ся скоро закончити.

О войні буде все рішати сила в людях и военна техника. Сила в людях мусит однак переважати в подавляющий способ, бо сторона бороняча ся находит ся все при теперешных техничных средствах в лучших условиях, як сторона атакуюча. Малу ролю грают в испанской войні легкы танкы, а наоборот велику вагу привязуют в той войні до танков тяжких.

Таксамо не мають рішаючого значеня бомбовозы. Они наносят великы шкоды и в початках вызывают страшечну панику, але погодивше населенє привыкат ку воздушному бомбардованю. А если противник має достаточне число воздушной обороны, то бомбовозы не могут нанести рішающих о войні страт.

Таки военны спостережения пороблено на испанских фронтах и тому аж и такы великы приклонники повстанцов, як Нџмеччина приходят до пересвідченя, же война в Испании закончит ся аж втотчас, коли оден с противников дойде до подавляющей перевагы людей, або, если у одной стороны вычерпают ся средства и воля до обороны.

Дальши аресты в Совітах.

В Совітской Росии идут дальши аресты. По аресті Ягоды и его компанов, арестовано б. председателя Союза совітских писателей Ауербаха. Ауербах єст швагром Ягоды.

Ходят слухы, же Ягода мал много документов, компромирующих видных совітских главарей, найблизших компанов Сталина и самого Сталина. Ягода мал мати доказательства на тото, же голосный тестамент Лениина был подробленный.

Документов тых однак при ревизии не нашли и ходят также слухы, же Ягода выслал уж передом тоты документы за границу и тепер буде грозити Сталинови компромиаціом.

По другой версии, Сталин уж постановил розстріляти Ягodu и его компанов. Тот розстріл має доказати, же вину за всі біды в Ро-

сии несут такы люды, як Зиновев, Каменев, Ягода и други. Єст тото потребне особенно тепер — перед выборами до Совітов ведля новой конституции.

Безбожники в борбі с віром.

Віра, то така могуча сила, же всякы гонения и преслідования не лем не ослабляют, але наоборот додают ей новых сил и саєдиняют шторааз новы масы.

Примір того видиме в перших часах християнства, коли то поганскы володары гнобили в страшечный способ християн, а помимо того, число віруючих кріпло и увеличало ся, а часто случало ся и так, же Христова наука охвачала и самых гнобителей, котры погодивше ставали ся ревными проповідниками науки Христа Спасителя.

Тото само повтарят ся тепер в Совітах, где от близко 20 літ переслідует ся всяку религию, где гнобит ся священников и віруючих, где безбожники тішат ся полным поддержком правительства и где молоде поколіне виховано безбожно и высмівано перед ним всяку религию. Здавало бы ся, же віра там держит ся лем так долго, покаль живут стары люды, а коли они вымрут, то нич не стане на перешкоді розбурити решту церквей и забыти о том, же на світі єст Бог и религия.

Тымчасом так не єст, бо як довідуєме ся с совітских газет, религиозность тамтешного населения, котра под страшным гонением притихла на якыйси час, охвачат тепер широковы масы людей и выступают с чимраз большим силом. Совітскы безбожничы газеты ударили в в послідных часах на альярм, же ослабла противрелигийна пропаганда и призывают безбожников напружити всі силы в напрямі антырелигийной пропаганды и предприняти міры, штобы противодїйствовать углубленю и поширеню религиозных чувств у населения.

Вся акция безбожников оказує ся однак даремна, бо шторааз частійше колхозники крестят своих дітей, ходят до Божих храмов, уряджают крестны ходы и выконуют други религиозны практыкы. Во главі той религиозной армии стоят бывши білы офицеры, кушцы и богатши хлопы (кулакы).

—o—

О. Дзяма хвалит Чировского

Може не всі читателі знають „оберлейтнанта” Чировского, тому не пошкодит пару слов посвятити его смутной памяти. Был то панок со Львова, по отци и матері руснак, котрый, хоча приподобати ся своей крестной мамі (нонашці) Австрии, называл себе украинцом, а украинство свое зазначал тым, же ненавиділ страшно и где лем мог, то мучил и докучал руснакам.

Нонашка Австрия мала рада таких „козаків” и вьет зробила его „оберлейтнантом” и жебы дати ему возможность мучити руснаков, приділила его до обозу интернованих в Талергоф. Там „оберлейтнант” Чировский почал атамановати и вбил ся в память всім тым бідакам, котры были за его часов в Талергофі.

Не было такой кары, котрой не зазнали бы наши братья с его щедрой руки. Мліла наша молодежь при „столпках” (анбинден) и гнила по казматах и „ейнилах” лем за того, же подавала при выполнню войсковых карт, же гворит, пише и читат по рускы. Кто признавал себе руснаком, тот уж мог знати, же рука пана „оберлейтнанта” затяжит на нем.

Хоц — правда — не каждый, бо и у Чировского отзывало ся часом милосердие. Правда, рідко, але часом мякло его сердце, як... взірл пінязи. А пінязики пан Чировский барз любил и за гроши готов был аж и о нонашці Австрии забыти и с Талергофу дакого выпустити. О том довідала ся нонашка и хоц жалей было своего крестного, забрала Чировского... за краты.

Такий был оберлейтнант Чировский и здавало бы ся, же го всі люды осудят. Тымчасом писмо, яке достали мы от почт. наших читателей с Милика, доказує, же сут ище такы люды и то не просты, але священники, котры не видят нич злого в поступках Чировского и ставят его за примір. Але не упереджайме фактов и послухайме, што нам пишут с Милика:

„Дня 15. лютого посходилисье ся у солтыса, штобы побесідовати и прочитати наши рускы газеты. За якыйсь час пришол там также о. Дамиян Дзяма, а узівши на столі газеты, звідал ся дяка Пирого:

— А вы што за газету читате?

— Читаю нашу газету „Землю и Волю” отповіл Пирог.

На тоты слова о. Дзяма почал выводити, же тот газету ест зла и антирелигийна, бо она выступат против священников и т. д., а коли присутны звернули ему увагу, же газета пятау лем злы поступки гдеяких священников, але не выступат против религии и коли пригадали ему о Талергофі, где тилько страшных мук пережил русский народ через доносы и ненависть украинцев, о. Дзяма сказал, же то нич неправда, што талергофскы альманахы пишут, бо он сам был в Талергофі яко секретар Чировского, то он всео знає. А Чировский то найпоряднійша людина. Молити ся за талергофцами не потреба, бо они были зрадники и им так треба было.

Дальше о. Дзяма говорил: „робите якыси культуры, а то ест всео гниль, бо рускы уж на вымертю”. Назвал русский народ мордерцами и же нас ніт лем до жмені и тримає ся ся лем прото, бо нас польский Ряд поддержує, але же и так вьет нам конец приде.

Почувши тоты слова Стефан Вильчек, запротестовал остро против называния русского народа мордерцами и сказал: „забороняю вам так говорити на русский народ, бо мы никого не мордовали, а робите того лем вы”. Не выдержал также и солтыс Шелестак и сказал: „От русский народе, але маш священников-опекунов, котры продали бы тебе за юдин грош!”

Помимо так острой и рішительной постановы собранных о. Дзяма напалад дальше на наши газеты и на наших честных людей, меже иншими на д-ра Гнатышака и уч. Трохановского, же они не сут репрезентантами Лемковщины и т. д.

Просиме почт. Редакцию напечатати тых пару слов о наших жалюдостонных опекунах и остаєме с соверт. почтением. Подписаны: Пирог Іоан, Стефан Шелестак солтыс, Стефан Вильчек, Іоан Русиняк. — Милик, дня 22. II. 1937.

* * *

Выше описанный факт не потребує коментарей ани пояснень. О. Дзяма здер с себе одержу облуды и высказал того, што думат до те-

пер загал украинствующих главарей, котрый всяке славянске движение против нонашкы Австрии и Берлина называл и называт здрадом. Мы до того привыкли и нас того не дивує.

Не дивує нас также и того, же украинцам в міру потребы служит раз Талергоф, яко заслужена кара для „зрадников”, а другой раз — за місце мук украинцев.

Нас може здивовати лем одно, же священник, котрый ест покликанный до ширения взнеслых-идей любви ближнего, може похвалити преступну діяльність Чировского.

Тот факт каже нам вірити, же в подобных условиях о. Дзяма и его собраты поступили бы так само, як в р. 1914. В их ментальности нич ся не змінило и о том повинни мы все памятити, аж и втотчас, як они надівають овечу скору и притворяют ся нашими приятелями.

Забавна история жида с крестом.

В Крыниці-Здрою, коло виллі „Марта” стоит от давна деревянный крест с роспием Спасителя. Властителем той реальности был до недавна инж. Микось с Тарнова. По его смерти родина бл. п. Микоса продала тоту реальность жидови и сособязала ся усунути крест.

Жид купил виллю, заплатил гроши, а крест остал. Вывязало ся для жида неприятное положене, бо жид рахує на жидовску публику и хоче провадити ритуальну кухню, а ту на самом фронті, при входowych дверях, стоит крест Спасителя. Понятно, же приїзджаючи до Крыниці на курацию жида, видячи перед домом крест, ани не заглянут до середины, а публика християнска втіє зас с дому, як видит старозаконного властителя виллі.

Был жид у латинского священника в Крыниці, але тот отослал его до русского священника в Солотвинах, бо реальность ест положена на территории Солотвин, парох с Солотвин отослал жида до Апостольской Администрации о позволеніе перенести крест на кладбище, а жид же и йойчит, бо сезон близко.

Херувимы и Серафимы с нами невидимо служат „Царю Славы”.

Глубокий побожный настрой выкликує нас на Преждеосвящ. хвеля, коли по „Свѣтихъ” и по I. чтенію с книги „Бытія” священник обертаєсь от св. Престола к людям — держачи в руках трисвѣчник (тройцу) с кадилицею и благословит ними народ при словах „Свѣт Христов просвѣщает всѣх”.

Обряд тот заступає нам читанье св. евангелія, (котрого на Преждеосвящ. звичайно не ма). Свѣтло тройцы має означати св. евангеліє — науку Христа Спасителя, котра ест „Свѣт (свѣтло) стезям нашим” як св. еванг. Іоанн каже, що Христос ест „Свѣт (свѣтло), иже просвѣщает всякого человека грядущого в мір”.

Первый, св. Литургію Преждеосвящ. почину, як она тепер служит ся, списал св. Григорій Двоєслов — позднѣйший Папа римский (под конец VI. вѣка по преданію церковному). Сей св. богобоязливый и ученый муж перебувал тогда в Царгородѣ и там списал тоту св. Литургію, так як она отиралясь в царгородской церкви.

В каждом разѣ чин ей св. Григорій не

о. Д. В.

Исторично-археологична справка о Литургии Преждеосвященных Даров.

Бож и Собор вселенский новой какойсь формы не мог сотворити, а только урядово впровадил такую форму, яка уже здобыла собою узнанье и употребление большинства церквей. В Церкви Александрийской уживалась тая св. Литургия також еще далеко до Трулянского Собора, а маємо на того доказ в „Александрийской Пасхальной Крониці”.

Под датою 612 року записано там, що при царствованіи цѣсара Ираклія, при царгородском патриархѣ Сергію, почато свѣвати при перенесеніи св. Даров на Литургии Преждеосвящ. пѣснь „Нынѣ силы небесныя невидимо с нами служат”.

С того видно, що Литургия тая издавна употреблялась в церквах так александрийской як и царгородской, а упоминає ся тут только о том, коли впроваджено в уживанье пѣснь „Нынѣ силы небесныя”, як також говорит ся о патриархѣ Сергію для того, що вѣроятно тот патриарх припоручил тоту пѣснь свѣвати.

Велика то и важна хвилья в часѣ свѣванія той пѣсни, и тот хвилья робит на каждую вѣрующую душу глубоке впечатлѣніе. Храм Божій наполненный облаками благовонного кадила — вѣрны клячат, похиливши свои лица к земли и бючись в груди. Пѣснь уриваєсь — тишина залягає дом Божій, чути только шепты молитв и повольны, мѣровы кроки священнослужителя, несучого Царя Христа, открытого в Дароносици под видом хлѣба, — а коли священник заверне от сѣверных діаконских дверей — через царскіи врата до св. Престола — лунают дальше слова пѣсни „вѣрою и любовью приступим до причастницы жизни вѣчныя будем Аллилуя”.

Дѣйстно то восходит „Царь Славы” — Тот, котрого Письмо св. называє „Царь — царствующих и Господь — господствующих”. Такой поклон, такое умиленіе належит ся только Царю Небесному — тож дѣйстно в тую хвилью „силы небесныя” т. е. Ангелы и Архангелы,

Зберайме ягоди и зела.

Пришла знова любя весна, а с нѣм оживат природа. По лісах, полях и луках появляются свѣжи зела и квітки. Заквітнут внет ягоды, малины, яфыры и черницы, а в недалгом часі появлять ся в лісах грибы.

До тепер всі тоты богатства нашої землі зберат ся дорывочно, в малых количествах и так собраны выносятся на рынок. Товар бывает неодинаковый, одны ягоды зрілы и великы, другы недорозвинены и зелены, прото и ціна его невелика. А однак тых ягод, малин, яфыр и черниц ест у нас так много, же могла бы сміло повстати фабрычка переділки ягод на соку и овочевы вина, котра може дати затрудненє десяткам рук и певный заробок населеню в часі літа.

Таксамо и зберанє грибов, организоване рационально, дало бы населеню векиши доходы, як мала продаж тых грибов на торгах. Знане ест, же в Америкѣ не растут грибы и же она спроваджат их с европейских краев. Экспорт их до Америки мог бы ся добре оплатити, але треба звернути увагу на само зберанє грибов.

Люды наричут на того, же давнѣше росло по лісах больше правдивых грибов (білячков), а тепер встрічат ся частѣше труючи грибы. Так ест на правду. А знате чом? Бо люды неуміло зберают грибы. Они вырывают с моху и землі не лем самы выросены грибы, але часто здерают цілы полати моху и порохнячки, шобы vybrати с ней найменьши грибочкы, — всі тоты, котры ище не вылізли с землі.

Такым способом люды ницят зародню (насіне) правдивых грибов и нич дивного, же слѣдующого року грибы там не выростут.

Переходячи коло труючих грибов, люды часто копают до них, або росшмаряют их по лісі, чим розносят грибню тых грибов и не-якобы розсѣвают их по лісі. Труючи грибы треба зберати так само, як грибы правдивы и палити их в лісі, шобы таким способом очистити грунт от зародков труючих грибов и облегчати множенє ся ідомых грибов.

Занедбане ест у нас также зберанє зел, котре, переведене уміло, може дати также добры доходы. Зберати травы и зела треба в день сухой, сонечный, наилучше, перед по-

луднем, коли обсохне роса. Листкы, квіте и надземны гоны треба зберати в часі квітненя, бо втотчас маюť они в собі найбільше лічничих складников. Корені зберат ся в осени, як листє звяне и опадє, бо втотчас всі соку сплывають до кореня.

Собраны зела, чисты, сушити скоро в місци сухом, продувном и затіненом (не на сонці), розстеляючи их тонком верством на рамах поднесеных над повалом стрыху. Зела труючи зберати в рукавичках и сушити отдільно.

Старанно высушены зела о барві як найменьше зміненой и сильном ароматычном запаху, паковать в деревяны скринкы, выставлены папером и высылати до централы занимающих ся скупом зел.

О том, які рослины зберати и што с них брати (квіт, листє, корень) можна довідати ся с книжок о зелах лічничих, або, што ище лучше, на курсах в той ціли уряджанных.

В том році, в літі, отбудє ся такой курс в Крыниці, котрый буде провадити разом с курсом пасічництва мгр. Емилия Яновицка. Ближих информаций на жадає уділят редакция „Лемка“.

О придорожных деревьях.

Кто был в иных краях и видѣл, як красно выглядят там дороги, засаженные с о-бох стран деревьями, тот мусит признати, же дороги у нас представляют вид смутный. Переважно голы, не дают они приятного холода в літі, ани не хоронят перед студененыма вітрами в зимі. Ту и там засажена верба ест одыноком окрасом наших дорог.

Не можна сказати, шобы в той области нич ся не робило. В послѣдних літах засажено коло дорог много дерев. Але сут такы окрестности, где помимо торжественного садженя дерев, особенно через школьную молодеж, не остал ани слѣд с переведеной работы. Если скоро по посаженю деревец спостерегаєме, же деревка сут поламаны, або повырываны с паликами, то виновата тому передовсем несознательность населения, котре не здає собі спра-

ку глубокой христианской старины и так хороше богослуженіе на час св. Вел. Поста — воспоминає имя св. Григорія при отпустѣ списаной ним св. Литургіи.

Длятого и вы все, мои Любезны Друзья, берите охотно участь в той св. Литургіи и во всех церковных богослуженіях — заховайте преданность ваших сердец церковной старинѣ по примѣру ваших отцов, котры отличались не только великою пoboжностью, але при той пoboжности, со св. вѣри и нашего пречудного восточного обряда черпали бодрость и стойкость для своих національных чувств. Времена люты, всяка недоля вѣдаєсь глубоко в тѣло и душу нашего народа, вороги свои и чужжи накидуют ся на найбільшіи наши свято-сти, но крѣпко вѣрмо словам нашего національного гимна що:

Бог нам поможет,

Бог есть с нами,

Проснись народ — уже не спи,

Смѣло ступай отцов слѣдами

И Церков святую храни!

Заслуга св. Григорія ест велика, бо через списанє той св. Литургіи, запровадил он однообразность в цѣлой св. Церкви — за що Церков св. с вдячности за его труд, котрым он передал грядучим поколѣням так цѣнну памя-

Комуникат В справі войсковых вправ.

В текучом року будут покликаны на звычайны войсковы вправы тоты подофицеры и воякы, належачи до резервы, котры достанут именны карты покликания.

Покликаны на войсковы вправы могут с важных причин, як нпр. смерть и несчастье в родині, або с других важных причин одержати пересуненє часу отбытя вправ на термин позднѣйший, як тот, котрый назначено им в карті покликания.

В таком случаю належит внести просьбу через Староство до той Повітової Коменды Дополненє, котра выполнила карту покликания и то найпозднѣше на 4 тыждні перед термином роспочатя войсковых вправ. Ближих информаций сут оголошены в обвіщенях, вывѣшеных в каждом селі.

вы с вартости засаженных дерев. Велику роль може ту отограти учитель, котрый має случайность вливати користно на дітячи души, а также проповідальница, родичи, общественны организации, газеты, а наконец и дороговы власти.

Ци ест у нас потреба засаждения дерев коло дорог? Так, а именно: 1) через деревья на-даєме дорогам культуральный вид и украша-ме дороги; 2) увеличаєме стан дерева в краю; 3) хорониме подорожных и звѣрята перед спеком в літі; 4) хорониме ся перед заблужденем в зимі; 5) даєме возможность розмножания ся о-вадожерным птахам, котры приносят великы користи в полях, садах и лісах; 6) деревья (медоносны) дают нектар пчолам и тым самым причиняют ся до розвою пасічництва в краю.

Кромі того овочи идеяких дерев можна отвітно сужитковати. До таких дерев належат: бук, орябина, черешня, вишня, слива, яблонь, акация, липа и др. Деревы дают нам также материал столярскый и опаловый, тож засаженє дерев коло дорог дає нам великы користи.

Справа однак не ест добре поставлена. Звычайно бывает так, же перед засаженем дерев творит ся розмаиты комитеты, свята лісов, свята деревец и т. д., а по посаженю дерев комитеты стаюť ся нечинны и никто не опекує ся засажененыма деревками.

Понятно, же так переведена акция садженя дерев коло дорог не може дати добрых результатов. Садити треба уміло, с увзглядненем місцевых условий, але не можна забывати о том, же засаженє деревец потребує дальшой опеки. Місцеве населенє мусит помочи властям в присмотрі и караню шкодников.

У нас не все и не всяди можна поручати садити овочевы деревья. Помимо, же приписы и зарядженя министерияльны увзглядняют садженє тых дерев при дорогах, то однак на той точці со стороны фаховых одиниц и организаций сут мніня поділены. Где в загалі ест овочевых дерев мало и где населенє не привыкло шанувати овочевы деревья, там лучше их не садити.

В западных закутинах краю, а также в воеводстві виленском ест дуже дорог засаженных овочевыма деревьями (в воев. виленском засаженє в часі німецкой окупации 150 км дороги овочевыма деревьями). Наилучше на-дают ся на придорожны деревья липы, акации и инши деревья медодательны.

Що чути в світі.

Жидовско-арабська конференція. Из Єрусалима доносять, же там идуть підготовляючи роботи для скликання мішаної конференції арабско-жидовської, на котрій якoby будуть обговорювати квестію поділу Палестини на дві часті: арабську и жидовську. По поділі Палестини мають там утворити парламент, до котрого вошли бы по рівним частям жиди и араби.

Секта, котра дусит діти. В центральній Кореї висліджено 153 трупи дівчаток в віці от 3 до 12 літ. Діти были передом знасиловані, а пак задушені. Крім того пропало без вісти ище 150 дівчаток. Поліція арестувала около 100 людей. Підозрівають, же убийств дітей допустила ся секта безувіров.

Чверт мільйона людей приїде на коронацію англійського короля. Англійські газети обчислюють уж тепер число людей, які приїдуть на коронаційні торжества в Лондоні, котрі зачнуть ся дня 12. мая т. р. Ведля того обчислення до Лондона приїде с поза Великої Британії понад 250 тисяч людей, в том числі с Європи 100 тисяч людей, а с Америки 25 тисяч. Газети обчислюють, же тоты люди выдадут в Лондоні 27 мільйонів фунтів штерлінгов.

Ограбили в полудне банк. В минулому тижні в полудне доконано в Празі рабункового нападу, котрий припоминає вицины американських гангстерів. Точно о годині 12-той, коли в банку не было уж сторон, появило ся двох замаскованих мужчин, вооружених в револьвери в відділеню городской Каси ощадности, в кварталі Зизков. Бандиты завозвали трох урядників, штобы им не перешкаждали, и коли оден с бандитів тримав в шаху урядників, другий скочил до каси и забрав 120 тисяч чеських корон. Перед домом ждало авто, до котрого скочили бандиты по грабежи и скоро отїхали.

Конфликт Гітлера с Людендорфом. С Берліна доносять, же меже Гітлером и ген. Людендорфом дошло до поважного непорозуміння на почві отношень до Совітів и до війни испанской. Людендорф, котрий недавно погодил ся с Гітлером, зажадал рішительно, штобы Німеччина не аганжовала ся до испанской війни. Людендорф в том случаю репрезентує спину більшіства німецьких генералів, котры твердят, же не можна выставляти на ryzyковны пробы добро німецькой армії.

Крім того Людендорф єст сторонником пслитыки Бисмарка и хотіл бы допровадити до порозуміння с Росією.

Як подають с Берліна, на перше жаданє Людендорфа Гітлер ся згодил, але натоміст отримав рішительно жаданє друге. Гітлер мал сказати, же тепер трудно му змінити способ поступаня с Совітами.

В звязи с тым кружат по Берліні поголоскы, же заповіджене врученє Людендорфови маршальского жезла буде отложено. В каждом разі усиленна активність Людендорфа заважит на дальшом ході німецькой політики.

**КУПЛЮ ВЕЛИКУ ІЛЮСТРОВАНУ БІБЛІЮ
О. МАЩАКА.**

Адресовати до администрации „Лемка“
Крыница.

Регент Югославії їде до Праги. В звязи с визитом чехословацкого президента Бенеша в Білграді, появил ся офіційный комунікат, же регент Югославії князь Павел їде в половині мая до Праги.

Вісти с краю.

Ціны не можуть скакати. Правительство підприємляло острѣ міры, штобы не допустили до дальшого роста цін и стремит уперно до обниження цін продуктів першої потреби. Староства переводят контроль цін по skleпах, визначають ціны поодиноких товарів, а часто и накладають кары на купцов, котрым выказано, же беруть надмірны ціны.

Ревизии и аресты во Львові. С порученя прокуратора во Львові переведено ревизии у людей, підозрілих о комуністичну діяльність и арестовано много комуністичны діячів, меже нима: адв. д-ра Гершталя Сам., д-ра Ямпольского Влад., адв. д-ра Дреневича Ст., редактора „Трибуны Роботничой“ Щирка, а также много людей с професіональных союзів. Ревизии дали великий обтяжающий матеріал.

Вырок смерти на бандитів. Перед пару тижнями суд в Білостоці выдал вырок, засуджающий чотырох бандитів (українців), а именно Осифа Опацкого, Семена Романчука, П. Гарменко и Николая Хлябича на кару смерти за убийство в Біловеской Пуці польского священника Почобут-Одлянського. Суд апеляційный вырок тот затвердил, а адвокаты засуженных не внесли касации до Верховного Суда, в виду чого вырок стал ся правосильным и преступники будут повішени в найблизших днях.

Раны от росорванного гранату. Петро Беднарк с Волі Станковской в пов. новосандецком нащол на поли невыстрілений гранат, проходящий віроятно с часов світової війни. Легкодущный хлоп забрав гранат до хаты и, майструючи коло него, спричинил росорванє гранату. Черепкы гранату урвали Беднаркови пальцы у лівой руки и поранили его на цілом тілі. Раненого отвезено до шпиталю в Новом Санчі.

Совіты купуют в Польщі бляху. Меже консорцієм польских експортерів желіза и совітським импортным союзом металів идуть

переговори о вывоз до Росії бляхы за 5 мільйонів злотых. В заміну за того польский металургичный промысел має закупити в Росії высоко процентну руду желізну и манганову.

Поліція выкрыла фабрику фальшивых грешей. Недавно выкрыла поліція фабрику фальшивых грешей, котра находила ся в центрі Варшавы (при ал. Єрусалимских 27). Фабрика мала першорядны знаряды до подрабання грешей, такы самы, яких уживают в державных заведенях. Крім того гроши (2-злотовы монеты) мали вырабляти с серебра, так, же ничим бы ся не різнили от правдивых. Кошт одной 2-злотовой монеты выносил бы 50 грешей так, же преступники зарабляли бы на каждых 2-ох злотых 1 зл. 50 греш. „Предприємство“ мало ся вести фахово, бо при ревизии найдено крім потрібных до фальшования грешей предметів, также бухгалтерийны книжки; в касовой книжці фігурує уж навіт сума 6.000 зл., яко кошт инсталляций „фабрикы“.

Характерыстичне єст того, же преступники рекрутовали ся с кругів купецких, промысловых и поміщичих, котры до тепер не были ище караны и были знаны в Варшаві, яко люди богаты и порядны. Сут нима Юрий Вешицкий, сын поміщика (дідича), фабрикант мінеральной воды, ювілер и гравер (австріяк).

Процес о надужитя податковы в Новом Санчі. Минулому тижня закончил ся процес против бывшому начальникови Скарбового Уряду в Новом Санчі, Станіславови Балякови и компанам. Суд засудил Матияса Шляхета, купца с Нового Санча на 3 літа вязниці и утрату прав на 5 літ и Пинкаса Рейха с Крыницы на 2 літа вязниці и утрату прав на 5 літ. Половину кары подаровано им на основі амнестии.

Решту оскаржених, а именно: начальника Уряду Скарбового, Станіслава Баляка, Гугона Смигельского, начальника езекуційного відділа, Антонія Войталика и Кароля Блондека суд оправдал.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во ЛЬВОВІ

Асекурацію принимают на цілой Лемковщині
представителі: гг. Осиф Ямовицкий — Крыница - Село
и Михаил Перелом — Сянок.